



Kakanj, 27-03 2017. godine.
Broj: 01/D-01-43- 3640 /17

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj i Preporuke Komisije za javnu nabavku broj: 180-03/17 od 22.03.2017. godine po otvorenom postupku (OP: 02/17 – Nabavka jamske građe), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), Direktor Društva mr.sci. Kasim Alajbegović, dipl.ing.maš.donio je

ODLUKU
o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka jamske građe po provedenom otvorenom postupku OP: 02/17 izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	GRUPA PONUĐAČA: „KRAN“ d.o.o. Olovo i „NAHONAL-GAS“ d.o.o. Breza	229.500,00 KM

Član 2.

Prijedlog ugovora o nabavci dostavit će se na potpis izabranom lideru grupe ponuđača: „KRAN“ d.o.o. Olovo i „NAHONAL-GAS“ d.o.o. Breza po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Član 4.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.- Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-11559/16 od 19.09.2016. godine.

Procijenjena vrijednost javne nabavke bez PDV-a je 237.500,00 KM.

Obavijest o nabavci broj: 967-1-1-49-3-16/17 poslana je na objavu dana 23.01.2017. godine, a isti dan objavljena je na Portalu javnih nabavki.

Nakon evaluacije ponuda, Komisija je sačinila Zapisnik o ocjeni ponuda broj: 94-02/17 od 15.02.2017.godine, na osnovu kojeg je sačinjen Izvještaj komisije o provedenom postupku broj: 97-02/17 od 15.02.2017.godine, te je Komisija dala Preporuku o izboru najpovoljnijeg ponuđača broj: 98-02/17 od 15.02.2017.godine, a na osnovu koje je donesena Odluka o izboru najpovoljnijeg ponuđača broj: 01/D-01-43-2398/17 od 27.02.2017.godine.

Na gore navedenu Odluku o izboru najpovoljnijeg ponuđača broj: 01/D-01-43-2398/17 od 27.02.2017.godine, učesnik u postupku „ALI&VIS“ d.o.o. Kreševo je nakon odobrenog uvida u ponude uložio Žalbu broj: 05-8/17 od 09.03.2017.godine.

Žalilac u žalbi navodi:

- da Ugovorni organ, prilikom uvida u ponudu GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza 06.03.2017. godine, nije omogućio traženo fotokopiranje dokumenata gore navedenog ponuđača,
- da je Ugovorni organ pogrešno utvrdio činjenično stanje da ponuda GRUPE PONUĐAČA „KRAN“ d.o.o. Olovo i „NAHONALGAS“ d.o.o. Breza sadrži dokument - traženu izjavu ponuđača i po tom osnovu je donio pogrešan zaključak da GRUPA PONUĐAČA zadovoljava uslove za primjenu preferencijalnog tretmana domaćeg.

Ugovorni organ je, u skladu sa članom 100. stav 1. Zakona o javnim nabavkama i članom 227. Zakona o upravnom postupku, utvrdio da je žalba blagovremena, dopuštena i izjavljena od ovlaštene osobe.

Nakon što su prednje pretpostavke preispitane, prema stanju u spisu, ugovorni organ je utvrdio osnovnost žalbenih navoda.

Žalba je osnovana.

Polazeći od žalbenih navoda, te nakon ponovnog uvida u dostavljene ponude, Ugovorni organ je upotpunio činjenično stanje u skladu sa članom 127. Zakona o upravnom postupku, te odlučio kao u dispozitivu.

Osnovan je navod ponuđača u pogledu omogućavanja traženog fotokopiranja dokumenata GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza od strane žalioca.

S obzirom na izneseno, usvojen je ovaj žalbeni navod te u slučaju zahtjeva Žalioca da se zakaže novi termin uvida u ponudu GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza Ugovorni organ je saglasan da se po novom zahtjevu žalioca omogući uvid i kopiranje ponude GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza.

Ugovorni organ je ponovno konstatovao da ponuda GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza zadovoljava uslove za primjenu preferencijalnog tretmana domaćeg tražene u tenderskoj dokumentaciji.

Naime, tačkom 4.7. tenderske dokumentacije Ugovorni organ je istakao da primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Preferencijalni tretman domaćeg primjenjivat će se u svrhu poređenja ponuda prema članu 67. Zakona o javnim nabavkama i Odluci o obaveznoj primjeni preferencijalnog tretmana domaćeg (Sl.glasnik BiH 83/16 od 04.11.2016.godine)

Prilikom računanja cijena iz ponuda u svrhu poređenja ponuda, cijena iz domaćih ponuda će biti umanjena za preferencijalni faktor u visini od 10%.

Dokazi koje dobavljači trebaju dostaviti ukoliko zadovoljavaju uslove za primjenu preferencijalnog tretmana domaćeg:

- Izjava ponuđača da je fizičko ili pravno lice sa sjedištem u BiH osnovano u skladu sa zakonima u BiH i da najmanje 50% ukupne vrijednosti od ponuđenih roba imaju prijeklo iz Bosne i Hercegovine.

- Potvrda Vanjskotrgovinske komore BiH da ponuđena roba ima porijeklo iz BiH. (U potvrdi treba biti naznačeno da se odnosi na predmet nabavke jamske građe-rudno drvo četinaru koji se vodi kod ovog Ugovornog organa)

Ponovnim uvidom u ponudu GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza Ugovorni organ je konstatovao da je GRUPA PONUĐAČA dostavljenom u Aneksu 1 tenderske dokumentacije - Obrazac za ponudu, koji kao sastavni dio ponude u sebi sadrži Izjave ponuđača, i u kojem je u tački 4. ponuđač stavio znak „x“ u predviđeni kvadratić, te time izjavio da je preduzeće koje dostavlja ovu ponudu domaće sa sjedištem u BiH i najmanje 50% ukupne vrijednosti od ponuđenih roba za izvršenje ovog ugovora je iz BiH, a dokazi traženi tenderskom dokumentacijom su sastavni dio ponude.

U skladu sa gore navedenim, Ugovorni organ smatra da je ponuđač dostavio traženu Izjavu i time zadovoljio uslov iz tenderske dokumentacije u pogledu primjene preferencijalnog tretmana domaćeg.

Nadalje, GRUPA PONUĐAČA „KRAN“ d.o.o. Olovo i „NAHONAL-GAS“ d.o.o. Breza je na strani 37. svoje ponude dostavila Izjavu o porijeklu robe u kojoj izjavljuju da istu nabavljaju od proizvođača JP „SPD“ ZDK d.o.o. Zavidovići i KJP „SARAJEVO ŠUME“ d.o.o. Sarajevo.

U konačnici, na strani 38. ponude GRUPE PONUĐAČA „KRAN“ d.o.o. Olovo i „NAHONAL-GAS“ d.o.o. Breza nalazi se Potvrda Vanjskotrgovinske komore BiH kojom se potvrđuje da ponuđena roba koju nudi „KRAN“ d.o.o. Olovo, kao lider GRUPE PONUĐAČA, zadovoljava uslove za izdavanje certifikata o bh porijeklu.

U skladu sa gore navedenim, Ugovorni organ je stava da je GRUPA PONUĐAČA „KRAN“ d.o.o. Olovo i „NAHONAL-GAS“ d.o.o. Breza dokazala da se na njihovu ponudu može primijeniti preferencijalni tretman domaćeg, odnosno da je njihova ponuda zadovoljila traženi uslov za primjenu preferencijalnog tretmana domaćeg, te da nije osnovan navod Žalioca.

Ugovorni organ je Odlukom broj: 01/D-01-43-3117/17 od 14.03.2017.godine:

1. usvojio Žalbu ponuđača „ALI & VIS“ d.o.o. Kreševo, te
2. poništio akta donesena u otvorenom postupku broj: OP 02/17 – Nabavke jamske građe (rudno drvo četinaru) , i to:
 - Obavještenje ponuđačima o rezultatima postupka javne nabavke broj: 01/D-01-432399/17 od 27.02.2017.godine
 - Odluka o izboru najpovoljnijeg ponuđača broj: 01/D-01-43-2398/17 od 27.02.2017.godine
 - Zapisnik o ocjeni ponuda broj: 94-02/17 od 15.02.2017.godine, te je
3. predmet se vratio komisiji na ponovno razmatranje

Nakon ponovnog razmatranja, Komisija ugovornog organa je dana 22.03.2017.godine sačinila novi Zapisnik o ocjeni ponuda broj: 178-03/17 na osnovu kojeg komisija je dala Preporuku o izboru najpovoljnijeg ponuđača broj: 180-03/17 od 22.03.2017.godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2),
- da su blagovremeno zaprimljena dvije (2) ponude,
- da nije bilo neblagovremeno zaprimljenih ponuda,
- da su ponude ponuđača prihvatljive,

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	GRUPA PONUĐAČA: „KRAN“ d.o.o. Olovo i „NAHONAL-GAS“ d.o.o. Breza	229.500,00 KM
2.	ALI&VIS“ d.o.o. Kreševo	237.480,00 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 229.500,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.



Direktor Društva

mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a